

Verbâl de riunion dal Consei Gjenerâl dai 18 di Dicembar dal 2020

Clamât adun cun letare prot. 433/20 dai 30 di Novembar dal 2020, vinars ai 18 di Dicembar dal 2020 aes sîs sore sere si à dât dongje in modalitât telematiche a distance il Consei Gjenerâl de Societât Filologjiche Furlane, par discuti dal ordin dal dì metût ca sot:

1. Leture e aprovazion dal verbâl de volte prime;
2. Comunicazions dal President e dai Conseîrs;
3. Setemane de culture furlane 2021;
4. Manifestazions sociâls pai agns a vignê;
5. Propuestis dai Conseîrs;
6. Variis.

Ae clamade dal President Federico Vicario a rispuindin i Conseîrs:

Bortolussi, Carlon, Castellarin, Chiarandini, Cinausero Hofer, Colussi, Contin, Cozzi, Di Bernardo, Fadelli, Finco, Franco, Frisano, Garzoni, Lorenzini, Madriz, Mariuz, Medeossi, Miotto, Mitri, Muzzatti, Petris, Portelli, Pugnetti, Sclippa, Tilatti, Varutti E., Venier, Venuti, Vidoni, Zanello.

Si son justificâts:

Bulfon, Cossar, Lovison, Menegoz, Michellut, Montico, Pagnucco, Radivo, Ruffini, Sello, Visintin.

No son:

Aita, Angeli Gloria, Bellina, Bello, Bressan, Castenetto, Davide, Del Fabbro, del Torre, Della Mora, Donada, Grossutti, Janežič, Moro, Padovani, Pascoli, Pastres, Percotto, Perini, Pezzarini, Romanzin, Roncali, Sluga, Tassin, Taverna, Tirelli, Varutti M.

A son presints ancje i socis benemerits Angeli Giannino e Pelizzo.

PONT NUMAR 1 DAL O.D.D.:

Leture e aprovazion dal verbâl de volte prime.

Il President al lei il verbâl de riunion dal Consei Gjenerâl dai 20 di Dicembar dal 2019. Il verbâl al ven fat bon a la unanimitât.

PONT NUMAR 2 DAL O.D.D.:

Comunicazions dal President e dai Conseîrs.

Il President al inzorne il Consei cun rivuart a:

- lis iniziativis inmaneadis de Societât di lunc di dut il 2020 che a son stadis pe plui part riorganizadis in considerazion de evoluzion de emergjence sanitarie dal CoronaVirus;
- lis publicazions e lis rivistis publicadis e chês daûr a jessi publicadis;

- lis manifestazions davueltis e in particolâr
 - il XCVII Congrès Sociâl a Flumisel La Vila, ai 4 di Otubar, in presince,
 - la VII edizion de *Setemane de Culture Furlane*, dai 18 ai 28 di Otubar, la plui part cun events in direte dal sît internet www.setemane.it
 - la Cunvigne *Jacopo Pirone e la lessicografia friulana*, dai 10 ai 11 di Dicembar, in direte dal sît internet www.filologicafriulana.it
- lis iniziativis in linie madressudis tal an e in particolâr i percors bibliografics dai catalics de Societât, i contignûts inviâts par pueste eletroniche e sui social media;
- lis gnovis risorsis metudis a disposizion sul sît internet www.filologicafriulana.it
 - l'archivi da *Lis predicj dal Muini* li che si puedin scoltâ lis 86 predicj par furlan gjavadis fûr des contis di don Giuseppe Marchetti,
 - l'archivi dai *Strolchs* di indulà che si puedin consultâ 8.601 prosis e poesiis publicadis te storiche riviste,
 - *Lis mêis primis peraulis*, dizionari situazionâl par fruts par furlan, talian, todesc e inglês realizât in colaborazion cu la Union Ladins di Badie.
- i cors pratics e il gnûf cors pratic in linie inmaneâts cul jutori de ARLeF;
- lis ativitâts pe scuele furlane inmaneadis dal Centri Docuscuele in modalitât telematiche.

Ae fin des comunicazions dal President a intervegnin i Conseîrs:

- Venuti, che al rimarche la impuartance des ativitâts inmaneadis de Societât par stâ dongje ai furlans intun moment une vore grivi;
- Colussi, che al ricuarde la colaborazion cul comun di Vît pe publicazion dal numar speciâl dal Sot la Nape che no si à podût presentâ in ocasion de Fraie;
- Mitri, che al segnale che i cors pratics a son lâts pe plui part indenant e si son sierâts in modalitât a distance e al domande di prontâ ju atestâts pai participants;
- Contin, in cualitât di presidente dal Fogolâr Furlan di Aquilee, che e conferme la volontât dai socis dal Fogolâr di fâ part integrante de Societât;
- Pelizzo, che al presee lis ativitâts davueltis e la capacitât de Filologjiche di riorganizâ lis ativitâts e lis iniziativis ancje di lunc de emergjence sanitarie;
- Tilatti, che al ricuarde l'inviament dal projet de Biblioteche Digjitâl Furlane;
- Garzoni al ringrazie di jessi stât clamât a fâ part dal Consei e pal impegn de Societât viers la valorizazion dal font musicâl dal mestri Luigi Garzoni;
- Colussi al ricuarde ancje l'impegn de Societât intal Centro Studi Pier Paolo Pasolini.

Il President al ringrazie e al rispuint a ducj ju intervients dai Conseîrs.

PONT NUMAR 3 DAL O.D.D.:

Setemane de culture furlane 2021.

Il President al informe che la prossime Setemane de Culture Furlane, la otave, si davuelzarà dai 6 ai 16 di Mai dal 2021, pai inovâi che a colin tal 2021 e al invide i Conseîrs a presentâ propuestis par iniziativis.

La Fraie de Vierte, che e sierarà la Setemane, si davuelzarà a Dolegne dal Cui.

PONT NUMAR 4 DAL O.D.D.:

Manifestazions sociâls pai agns a vignî

Il President al informe il Consei che il Comun di Spilimberc al à domandât di podê ospitâ il XCIX Congrès Sociâl tal 2022 e che si à vude une disponibilitât di massime di bande di Osôf pal 2023.

Il Consei Gjenerâl al fâs buine la propueste a la unanimitât e al da mandât al Uffici di Presidence di cjapâ contats cu lis aministrazions par formalizâ la acetazion des candidaturis.

PONT NUMAR 5 DAL O.D.D.:

Propuestis dai Conseîrs.

Nuie ce segnalâ.

PONT NUMAR 6 DAL O.D.D.:

Variis.

Nuie ce segnalâ.

La riunion si siere aes 19.25.

Il segretari verbalizant

Feliciano Medeot